

Poesii crudi e cotti

di

Giuseppe Cardella

Autore:

Giuseppe Cardella

Via Castelli, 36 - 92016 Ribera (AG)

TEL. 0925 66028 - Cell. 338 9652710

Sito web: www.cardellaart.it

E-mail: giuseppe@cardellaart.it

Youtube: [giuseppcardella1](https://www.youtube.com/user/giuseppcardella1)

2014

Indice

Alfredino e la règgia	Pag. 3
Cci su corna e corna	6
Di sciavuru m'arricriu	8
Fruttu di mari	11
La criazioni	13
Lu cardidduzzu	17
Lu citrolu	21
Lu friscalettu	23
Lu vastuni di me nonnu	26
'Ncerca di guai	29
Non morire! Ti prego!	33

hai pianto tanto,
adesso,
quasi,
non hai più da piangere.

Non morire! Ti prego!

Quasi vuoi lasciarmi!
Come faccio senza te!
Come vivo senza te!

Non morire! Ti prego!

Sei nato con me,
sei cresciuto con me,
perché morire prima?

2013 Giuseppe Cardella

Alfredinu e la Règgia

‘N’un jardinu di frutti chinu,
sorgi ‘na gran bedda Règgia,
tanti e tanti ci giranu vicinu
nuddu trasi, ognunu la curteggia.

‘Stu jardinu di tutti disiatu
si manteni viridi cu tanti frutti,
anchi si nun veni abbriviratu
fa vèniri la ‘mmidia a tutti.

Lu vispu, arzillu, Alfredinu
spera di trasiri nnì la Règgia
e girannu jardinu-jardinu,
nun po trasiri e si scuraggia.

Un jornu arrivà fino a lu purtuni
c’eranu tanti ruvetti di fili durati
trasì senza mancu un tuppuliuni
davanti a dù gioelli di milli carati

Alfredinu trasi di cursa
lassunnu apertu lu purtuni,
a vidilu curriri, era 'na farsa,
trasiva e nisciva senza ammuttuni.

Di la cuntintizza si misi a ballari
di la stanchizza si misi a sudari.
Dda nintra si furmà comu un mari
tutta la Règgia si misi a trimari.

'Na cascata d'argentu filatu
culà Alfredinu già vagnatu,
stava dda nitra tuttu arricriatu
nun capennu ca s'aviva annigatu.

Dirittu e tisu comu un metru
tuttu 'nzuppatu pi com'era
trasi di la porta di dietru
pi scupriri 'st'atra minera.

Milli vurcani tutti 'ncalura
culavanu oru e argentu finu

Non morire! Ti prego!

È una vita che ti conosco
ed è una vita che stiamo insieme.
Se vivo dei bei ricordi
è grazie a te.
Ancora oggi mi dai la forza
di andare avanti nei miei giorni.

Non morire! Ti prego!

Abbiamo combattuto insieme,
superato ogni ostacolo,
ti ho riempito di carezze, sempre,
di giorno, di notte, in qualsiasi luogo,
sono stato sempre fiero di te
della tua forza.

Non morire! Ti prego!

Abbiamo passato insieme
gioie e dolori,

pi pùtiriti strinciri e vasàriti.

Ti facissi tistamentu, lassassi tutti cosi a tia.

Fussitu la patruna di lu me cori,
di li me sordi,
di casi e tirreni,
fussitu la patruna di tutti li me beni.

Caru Pippinu, a quantu capivu
la cosa mi putissi 'ntirissari
di chiddu chi ti dissi m'ascusari.
Però, prima, all'artàri ma purtari!

Si beddamè, cci putemu iri quannu vo tu,
dammi lu to amuri, nun mi fari sòffriri
cchiù.

Parlannu tra di natri ... dopu l'artari!
Li corna sempri cci la ffari.

pi carmari la forti arsura
di lu vispu Alfredinu.

Tuttu beatu, ora si carmà,
pacinziusu, aspetta c'accadrà.
'Sta storia, po capitari a cu d'egghè,
si nun la capistivu vi la scrivu arrè

Basta tecchia di fantasia
pi capiri 'sta poesia.
Nun c'è bisognu di scola
scrivu Ciccu pi diri Cola.

2009 Giuseppe Cardella

2013 Giuseppe Cardella

Cci su corna e corna

Li corna ‘ntesta a ‘n’animali
è na cosa cchiù chi nurmali,
ma n’omu ca l’avi ‘ntesta
significa ca cci ficiru la festa.

Prima di diri ca l’atri hannu li corna,
tàliati la to testa si cci vidi la forma.

Cci fu unu chi dissi:
<< Tutti li fimmini su piccatrici,
menu me matri e me soru. >>
Iddu fu lu primu curnutu
primiatu cu na midaglia d’oru.

Si na casalinca pecca,
lu maritu ammazza l’amanti
e po s’impicca.

Si na mugliera fa adultèriu,
lu maritu ammazza a idda

aneddi tutti d’oru e diamanti.

Caminàssitu a lu me sciancu
vistuta comu na veru riggina.
cu vistini, suddani e reggipetti
chini di pizzu, strassi e merletti.

A mia tutti ‘sti cosi nun mi sèrvinu,
lu me zzitu a la notti, sutta li cuperti
mi duna tuttu chiddu chi vogliu, perciò?
Mi fa vidiri puru li stiddi di mezzìo.

Vogliu ca quannu passiu cu iddu
l’atri fimmini m’hannu a‘mmidiari,
hann’addiri: “Chi beddu zzitu chi capità.
Cuncittina bonu lu masculuni lu trovà.

Chi mi nni fazzu di vossia vecchiu e sturdutu.

Bedda mia, nun mi fari soffriri,
pi tia mi issi puru allavancari,
sugnu dispostu puru a maritàriti

mi vo pi zzitu? Cci vo stari cu mia?

Gran vecchiu zzuddarusu, vastasu
e scuscenziatu, iu sugnu ancòra nica, comu
putiti pinzari di stari ‘nzemmula iu e vossia?
Chi mi vuliti morta? Farimi vèniri la sfissia?

E po ... iu, sugnu zzita a l’ammucciuni
cu un picciottu ca mi voli beni
po dàrimi amuri e sciuri di gigli
e pi l’avviniri tanti beddi figli.

Vossia nun mi po dari ne chissu ne chiddu.

Cara Cuncittinedda,
iu però ti pozzu dari tanti sordi,
si mi facissitu pasari ‘st’arsura
cu mia facissutu la veru signura.

T’accattassi tuttu chiddu chi vùlissitu,
nun ti facissi mancarì nenti,
ti linchissi di cullani, brillanti,

e po commina un putifèriu.

Si na picciotta tradisci lu zzitu,
lu zzitu si nni fa trent’anni
pirchì di la gilosia fu aggriditu.

Si n’attrici nun n’avi n’amanti
ancòra nun nne divintata ‘mpurtanti.
‘Nveci si n’avi unu,
cumencia a èssiri quarcunu.

Si n’avi sei e setti
diventa diva ‘mpurtanti
e nni pàrlanu giornali, rai e mediasetti.

Lu munnu è fattu a la riversa.
La piccatrici semplici veni disanurata
mentri la diva ‘mportanti veni anurata.

2013 Giuseppe Cardella

Di sciàvuru m'arricriu

Caminannu a l'appèdi strati-strati
sentu lu vuciàri e lu sparlittiu.
Lu fannu assittati fora l'anziani
'mmucca a iddi mancu a li cani.

Pàrlanu di chissu e di chiddu,
di 'ncrasciati, di corna,
di fuitini e di la crisi
ca nun s'arriva a fini misi.

Caminannu pi la via
la testa ti svarìa,
senti lu sciàvuru di cucinatu
e resti allammicatu.

Senti sciàvuru di pisci fritti,
di sazizza arrustuta 'nta lu focu,
di pasta a fornu ggìa sfurnata,
di patati fritti e di carni 'mpanata.

'Ncerca di guai

Haiu settant'anni,
sugnu viduvu
e mi vogliu fari zzitu
pirchè mi sentu ancòra arditu.

La picciotta ca mi piaci travaglia
nni un nigòzziu di cannili,
haiu cchiù cannili iu
ca lu santu 'nchesa Patri Piu.

Oi mi trovavu 'nsì e cci dissi:

Senti Cuncittina,
l'hai caputu quantu cannili
m'haiu accattàtu pi sulu vèditi?
E pi sulu sèntiti?

Ora ti vogliu diri? Iu sugnu sulu
e haiu bisogno di na fimmina
tu fussitu disposta a fàrimi cumpagnìa?

Aviri un vastuni ‘dintra è un piaciri.
Ma si duna fora quarchi vastunata
s’ava stari mutu e nenti a’va diri,
vasinnò la famiglia è cunzumata.

Fineru li tempi di lì vastunati
quannu scattiava a cu degghè
ora li nonni si cùrcanu mazziati
scurdannusi di putillu fari arrè.

Fimmini beddi, schietti e maritati,
si truvati un vastuni ... nun lu ittati.

2008 Giuseppe Cardella

Acchianannu, senti sciàvuru
di milinciani fritti, di sardi arrustuti,
di pasta cu l’agliu e l’ogliu,
di carni arrustuta cu lu ‘nzogliu.

Lu cchiù ardu e dilizziusu
è chiddu di lu baccalà
anchi fattu cu tecchia di limiuni
cu lu sulu sciàvuru ti senti un liuni.

Unni ti trovi-trovi
è un forti richiamu
lu senti denzu e precisu
nni lu nasu ti resta ‘ncisu.

Chistu è lu sciàvuru
di la fimmina, di carni
frisca e ‘mprufumata,
pronta a èssiri assapurata.

Lu nasu avi l’uduratu supraffinu,
la fimmina la senti puru di luntanu.

Parica la tuccassi, quasi avariù,
sentu lu so sciàvuru e m'arricriu.

2013 Giuseppe Cardella

Lu vastuni di mè nonnu

Lu vastuni c'aviva mè nonnu,
d'ora in poi nun ci servi cchiù.
Nun ci passa mancu pi sonnu,
finì. Ormai nun ci pensa cchiù.

Di 'stu vastuni assà 'ni gudiva,
tanti vastunati di picciottu detti.
Me nonna era filici e ci piaciva,
quannu lu truvava suttu li cuperti.

Quasi ogni notti la vastuniava
passavanu uri di veru piaciri,
lu vastuni, cuntentu si 'ni stava
cuntuava e mà la vuliva finiri.

Cci sù vastuna d'ogni manera:
curti, logni, nichì e grossi.
Diritti, torti e a bannerà.
Bianchi, niuri, gialli e rossi.

dissi: «ccà è cosa di i-tta-llu. »

Chista è 'na storia ve-ra
friscava matina e se-ra
ora accussì finì per... ciò
lu friscalettu si spa ... sciò.

2014 Giuseppe Cardella

Fruttu di mari

Quantu è beddu d'estati lu mari!
Pari un mantu blù senza vozza,
tra tanti pisci ci su li calamari
tra tanti mitiddi c'è la cozza.

'Stà cozza, di lu masculu disiata,
è la natura di la fimmina purtata,
circata di l'omu pi 'na manciata,
parissi rigalata 'nveci è pagata.

Di nichì l'avivamu fissa 'ntesta,
pi vidila ci vuliva un documentu,
si taliava e cuminciava la festa,
si tucava e spariva nun mumentu.

Bedda, niura e 'ngiuvittata,
è pronta pi èssiri manciata,
sapurusa e ancora vagnata,
pò durari tutta la nuttata.

Di cozzi ccì nnè d'ogni manera,
la megliu è chidda di la mugliera.
'Sta sira "Cozzi a la maritata"
ccì nnè pi ora e pi tutta la nuttata.

Si nun vuliti cozzi disiari,
si vi màncanu, jtili accattari.
Si vuliti campari senza dannu,
manciati cozzi tuttu l'annu.

Li cozzi su 'na veru specialità.
pòrtanu festa, allegria, e filicità.

2008 Giuseppe Cardella

di ddà ballata la testa ci stra ... mmò,
di notti lu fa suna-ri,
po voli ricomincia-ri,
la canna è dura e quasi si spez ... zò.
'Stu friscalettu
lu vuliva sempri sun-ari,
dintra e fora,
'n'campagna e a ma-ri
iu cci dicu sta attentu a nun spasci-allu,
si lu metti 'mmanu macari pi tali-allu.

E' 'na gran sunatu-ra,
lu voli ogni u-ra,
cci dissi fallo ri-po-sa-re un ... po,
si lu posa supra lu pe-ttu
cci joca e arriva a lu te-ttu
fina a quannu a terra cci cas-cò.
Ormai è ghiuntu
è tuttu scurdatu,
dici forza
damucci sciatu,
d'un maestru ivu p'accu-rda-llu,

Ma chi ci fa
facemuni 'na friscatedda
'ngignamulu ora
sciatuzzu mia bedda,
rispunni piccamora nun mi sen-tu
'un ti scantari ca 'un mi nni pen-tu.

Arsira emu a ballari,
'ntisi 'na cosa vibbrari,
con un sorriso idda m'addoma ... nnò,
mi dissi chi ccià ddocu,
è casdu comu lu focu,
tutta allarmata idda si scan ...tò.
Nun reggiu cchiù
mi sentu un scutimen-tu
tremu tutta
è curpa di 'stu strumen-tu
si ci penzu era 'ncapu lu co-mò
dimmi si è lu friscalettu si o nò.

Diciva quantu è be-llu,
s'imparà a frisca-llu,

La criazzioni

Quantu cosi beddi crià lu Signuri.
Fici tutti cosi perfetti.
All'arbuli cci detti fogli e frutti,
a l'aceddi cci detti l'ali,
a lu mari l'acqua, fici lu celu,
lu sulì, la luna,
detti culura,
forma e vita ad'ognuna.

La cosa cchiù perfetta chi crià fu l'omu.
Nun risparmià nenti,
cci detti forza,
'ntilliggenza e sapiri.
Lu linchì d'ossa,
chiossà cci nni potti
mèttiri cci nni misi.
Lu vistì di nenti,
nudu, cci misi sulu
na peddi fina e delicata,
nni lu corpu prorpriu 'mpicciata.

Vidennu ca cci vinni bonu fattu a manu,
pinzà di dari na cumpagna a d'Adamu.
Pi falla cci misi tuttu lu so sapiri,
la fici cchiù bedda, cchiù fina,
la mudillà cu formi beddi tunni,
cci misi quarchi cosa superchiu
cca e ddà, 'nzumma la rispittà.

Quannu crià la fimmina,
a d'Adamu ci luccicarù l'occhi.
Taliannula e taliànnusi,
vitti ca nunn'èranu li stessi
pinzà:
un mutivu cci sarà.

Sta 'nzemmula oi,
sta 'nzemmula dumani,
capì ca 'un putiva stari
cu li manu 'mmani,
nun sapennu la cosa accumulàri,
la natura stessa cci 'mparà comu fari.

Lu friscalettu

Cc'era la chiazza chi-na,
era cu Carmi-li-na
cu manu a la fe-ra mi por ... tò,
pi farimi un riga-lu,
nun c'è nenti di ma-lu,
piglia tuttu chiddu chi tu ...vò.
Iu mi scigliu
lu megliu fri-sca-le-ttu,
grossu e tunnu
era lu cchiù per-fe-ttu,
idda lu piglia dilicatame-nti
sapennu soccu avi 'mme-nti.

Dumannà lu sa sun-ari,
ora lu fazzu fris-cari,
rispunnì dopo, a-de-sso ... nò,
ti lu dugnu cu a-ffe-ttu,
po lu sunamu a le-ttu,
cc'è tutta la nuttata caru Giò ... ggiò.

Ora capivu? Certu, ‘nì sugnu sicuru
chiddu chi dugnu a sò cucina Franca,
nun è fora ma dintra a lu scuru
lu custudisciu comu ‘ntà ‘na banca.
Vinissi cu mia ca ci lu fazzu assaggiari
si ci piaci, a quintali ‘nnì po’ mangiari.

Lu putiaru cu la signura si ‘nnì traseru
nun curannusi ca lassà a tutti ‘n tridici
tutti li pirsuni ci parsi malu e si nni eru
ristavu io cu la facci niura comu la pici.
A stu puntu mi giravu ‘ntunnu e taliavu,
li pira mi purtavu e nun ci li pagavu.

Quannu si mangia troppa carni
senza ‘nà ‘nzalata pi cuntornu
la gula s’attuppa e sù danni
si resta spissu cu lu fastornu.
Perciò la ‘nsalata nun av’ à mancare
pi nun cercari atri radici d’arruttari.

Lu Signuri quannu li vidìa
‘nzemmula si nni priava,
tantu ca cci dissi:
<< Nun pinzati a nenti,
pinzati sulu a manciari,
vìviri e prucriari,
a lu restu
cci penzu iu a cumannari.>>

Hannu passatu
tanti milli e milli anni,
ancora semu ccà
ad’ annacàrinni
li so danni.

Di poviru figliu ... sintutu diri
di l’umanità,
ti vulissi diri na cosa,
ma a va ristari ccà.
Cc’è lamintera quasi ‘n’ogni casa,
pirchè ti scurdasti a fari na cosa.

A tia ‘un t’avissi custatu nenti.
All’omu cci mittisti ossa
unni d’agghè e ‘nquantità?
Chi cci vuliva
a mèttiri n’ussiceddu
propriu dda?

2013 Giuseppe Cardella

Lu citrolu

Un jornu trasivu ‘ntà ‘na putia
pì accattari un chilu di pira.
‘Na bedda signura prima di mia
cu la facci bianca cumu la cira
e li labbra russi comu un piparolu
a lu putiaru ci dumannà un citrolu.

Si lu pigliassi cu li stessi sò mani,
si scigliassi chiddu chi ci appatisci
nun arriverannu mancu a dumani
sù frischi, viridi e beddi lisci.
Taliassi chistu, signora Enza,
è tenniru cu pocu simenza.

Sicuru ca lu sapi quali ‘m’av’a dari
chiddu chi mi duna, pi mia va beni
di la sò frutta nun c’è di lamintari
vidu ca avi fudda e c’è lu và e veni.
Piaci puru a mè cuscina Franca
dici ca ogni jornu nun ci ni manca.

Dormi e cchiù nun s'arrimina
nun cì reggi cchiù la testa.
Passa la sira, veni la matina
jornu e notti senza festa.

Chiangemu tutti, omini tirreni,
lu cardidduzzu murì e sinn'acchianà
senza iddu lu munnu nun teni
picchè è iddu chi reggi l'umanità.

Piccatu... era beddu e priziusu,
'stu cardidduzzu era comu l'oru.
Nun lu jiettu e mancu lu 'mpirtusu
lu portu cu mia finu a quannu moru.

2007 Giuseppe Cardella

Lu cardidduzzu

Haju un cardidduzzu
tuttu spinnacchiatu
mà mi lassa, 'nnuccintuzzu
è troppu affezziunatu.

'Stu cardidduzzu sapuritu,
jittatu suliddu d'un fossu
nascì cchiù nicu d'un jitu
ma ora e fattu beddu grossu.

'Ntà 'na festa d'amici 'na vota,
cu 'na picciutedda abballavu
giràvamu lesti comu 'na rota
mentri 'nì la facci la vasavu.

Lu cardidduzzu cumincià a cantari,
la musica ci fici un beddu effettu,
di la gaggia vuliva scappari
agitatu ristà senza rizzettu.

Menu mali ca la musica finì
e subitu assittari ‘nì nnì jemu.
La genti li vidivamu a trì a trì
pi miraculu nun svinemu.

Un jornu, versu li sidicianni
si graperu li porti di lu paradisu,
lu cardidduzzu fici festa granni,
ma nun capì unn’era misu.

Si ritrova ‘ntà ‘na tana di ruvetti
cu tantu mangiari pi lu sò palatu:
affaccia, trasi, curri e s’addiverti ...
nesci fora stancu mortu e affaticatu.

Comu vidi ‘na cardidduzza
subitu ccì gira ‘ntunnu. La talia,
la pizzulia, la stringi, l’abbrazza,
ci sata di ‘ncoddu e la strantulia.

Criscennu, mi fici zitu
cu ‘na bedda picciuttedda,

li labbruzza ci tuccava cu lu itu
pi pò daricci ‘nà vasatedda.

Lu cardidduzzu la tana vuliva visitari
nun ci fù cuncessu, mancu pì pietà!
Pi accuntintallu m’appi a maritari
vasinnò nun ci avissi trasutu mà.

Ora, trasi e nesci spissu tuttu l’annu
un jornu fermu nun pò cchiù stari.
A lu cardidduzzu ci vinni un malannu
nenti di gravi! Si voli sulu arripusari.

Mischineddu, ora, si carmà,
trasi ogni tantu, quannu ci voli,
ci duna ‘nà taliatedda e si ‘nnì và,
senti friddu, trema e la testa ci doli.

Lu cardidduzzu trasi ‘ncrisi,
pirchì trasiva ogni simana
ora, ‘nveci, ‘na vota a lu misi
e cchiù chi và chiossà s’alluntana.